

PAGINA TRES

Carnaval, Elogio di Loco, pa prome biaha celebra oficialmente riba Aruba

ORANJESTAD, 19 Februari.— Den historia di Aruba no ta conoci cu carnaval se ta celebra di e sistema manera nos sa tende of den ultimo tempo conoce di carnaval. Tabata costumber di clubnan pa entre miembros di organiza e dianan aki di fiesta pa asina entre nan por reina alegria den e dianan estipula pa locura. Pero for di año 1954, poco personanan cu iniciativa pa mira progreso riba nos Isla a pensa mas aleuw, y a forma un comision pa e año aki Carnaval por ser introduci na e publico kende tabata espera tan asioso asina pa e por yega nan nan porta. Na paisnan manera Trinidad y Costa Rica, pa no menciona Brazil, carnaval ta e atraccion di mas grandi pa turismo den e paisnan aki. Ta interes profundo pa nos Isla di organiza nos carnavalnan di e mes forma pa aki tambe nos por hala atencion di turismo.

Y ta den e forma aki e comision a basa nan interes cu for di dia 19 di Februari 1955, nos dia di Locura a cuminsa pa exactamente 4'or di atardi.

Principe Casparito I, Ciudadano Arubano, Grandduke di Swedens, Duque di Boca Mahos, Graaf di Bastroeti, Grunmestor di Canashito, Baron di Klippraat, Officier den Orde di Boca Grandi, Ridder den Orde di Bringamosa, Jonkheer di Rooi Hundo te Rooi Prikitchi, et. etc. a tuma mando for di nos Gezaghedoor expresando su motibo di lo siguiente manera:

Nos Casparito I, Ciudadano di Aruba, pa gracias di „Dow Moon“, Principe Carnaval 1955 etc. etc. ta proclama cu segun nos opinion ta inconveniente si hasta imposible pa den dianan di locura di Carnaval pa por tin un mandatario serio riba Aruba, cual cu asuntonan juicioso y correcto por perhudica alegria di Carnaval, TA PROCLAMA:

Desde awe dia Sabra 19 di Februari 1955, prome dia di nos reino di Lo-

cura pa 4'or di atardi e mandatario a ser expulsa pa „Bucuti“ y pa queda aya si e gobiernu no coopera cu locura di carnaval y lo tuma mando despues cu e dianan di alegria lo pertenecese na pasado. Cu e palabranan aki nos a cambia di mandatario pa e dianan di fiesta di carnaval. Aki tur e interesadonan por a tuma un retrato di e Principe. Di aki e grupo a pasa den cajan principal pa por introduci nos Principe na e publico. E stoet a tuma di aki rumbo pa Strand Hotel, unda tur a bai fortifica nan mes pa e gran concurso cu mester tuma lugar na Lago Sport Park. Na Lago Sport Park tabata reina hopi alegria y tabata muestra manera ta hinter e publico a sali bini pa mira e coronacion di e reina di carnaval.

Aki nos mester a warda un rito pa a mira tur e reinanan cu nos Isla a escohe durante di e dianan di fiesta haci nan entrada, prome cu e parti principal por a tuma lugar.

Pa exactamente 8'or y diez maestro di ceremonia, Sr. Jantji Tromp a introduci e Principe na publico, pa

despues di tur esaki e reinanan haci nan entrada.

Tur e reinanan cu nan titulo adecuado a subi introduci pa nos maestro di ceremonia, Sr. Jantji Tromp, pa e hueznan por a haci nan balotacion riba cual e honor lo ser hiba.

Esaki tabata un tarea hopi dificil pa e hueznan cu tabatin di haci cu un cantidad di belleza pa por a escohe e di mas belleza. Pero como cu nos tabatin un grupo di huez apto nan a haci nan trabao debidamente.

Despues di a entrega nan decision na e personanan encarga cu conta-

PRINCES MARGARET NA JAMAICA

KINGSTON: — Princes Margaret di Inglatera a yega na Jamaica pa un bishita di cinco dia.

mento di e huzamento e decision a sali riba Evelyn I, di Cus di Crocs, reina di Tivoli, como nos prome reina di Carnaval.

Di Lago Sport Park e carnavalistanan a reuni na W.I. Association unda nan a tuma un brindis na honor di S.M. Evelyn I. E optocht di dia Domingo tabata mes formidable cu e ceremonia di dia Sabra anochi. For di e optocht nos por a constata cu en berdad nos Carnaval a haña un bon acogida. Nos tin solamente palabranan di elogio pa Sr. Dr. Gustavo Oduer kende a principia cu e energia pa haci un bon pa nos Isla riba base di turismo, y tambe cu el a trece mas alegria den e pueblo Arubano. Pa e dos factornan aki nos lo keda Sr. Oduer y su adjudantenan hopi agradecido. Cu mañan oficialmente nos Carnaval di 1955 a mira su fin.

Nos ta spera cu aña 1956 lo e tuma un paso mas acerca di perfeccion. Y cu mañan Casparito I, lo mester bandona su palacio unda a reina hopi dia di fiesta y di locura. Biba nos Carnaval!



Prins Carnaval y Reina 1955 Evelyn I di Aruba y May Mathews, cu a sali No. 2 den e eleccionnan.

Foto Bonke - Cl. Fuhring.